

Aulayukhaq Aihimavingmi

Angayuqqaat-ilihaiyit katimayukhikhaigut

Angayuqqaat ilihaiyillu uqaqatigiikpaktukhat nakuutqiyamik ikayuniarutikhaannut ilihaqtut nakuuvagiangita ilihautigiyailu iniqtirilutik. Angayuqqaat amigaittunik kangiqhipkaqtakhaqaqtut uqaqtaaqtamingik ilihaiyinut ilihaiyillu amigaittunik kangiqhipkaqtakhaqaqtut uqaqtaaqtamingik angayuqqaanut. Angayuqqaat ilihaiyillu qanuarunaaruilutik apiqhivaktukhat.

Ilihaiyit unniutittaaqtait angayuqqaat titiraqulugit apiqhuutikhatik angayuqqaat-ilihaiyit katimatinnatik Angayuqqaat ihumagilugit ilihaudjuhiit nutaraptik ukiungani ilihaghuni ikayuutauyaaqtut apiqhuutikhaqhiuriami.

Kingullikkut, ilihaiyit tun'ngahuktittilutik angayuqqaat inmingnut uqaqpaqulugit ukiukkut atuqtukkut, ilihautainik naunaitkutainik katimanaqhiraangainunngittuq.

Uuktuutit apiqhuutit angayuqqaat apirittaaqtait ilihaiyit:

- Nutarara nakuuyumik havalikka piqtutulaamini?
- Hunauvat nurarama hakugingningit imaalau piyakhait taiguanikkut, titirarnikkut, kihittitinikkut, nalunaiyainikkullu?
- Qanuraaluk ikaarninik nutarara aggitiyaminik havaktukhauva?
- Nutarama havaktait ihuaqtumik iniqtiqhimavakpat?
- Iliharvik aallangayunik ilihautinik piqaqqa nalaumayut nutarama piyakhainik ayuiridjarikhainik?
- Nutarara ayuiqhautidjutimigut ikayuqtiqariaqqaqqa? Ikayuqtiqariaqqaqqa, qanurittunik ikayuutikhaqqaqqa? Puuqaqqit nutarama havakpagainik? Piqaqqat takupkaqtaatarma?
- Nutarara ilannaqqaqqa piqpagiyaaminik? Qanuritpa nutarara aallanut nutaqqanut?
- Hulittaaqqaqita aihimaluta ilihautiinik ayuiqharianigani?
- Qanuqtut uqarvigiyumaguptigit pittaqaqita?

Aallattaq apiqhuutikhat angayuqqaat apihuutigittaaqtait akun'nganiituni angayukhiiniittunilu ilihaiyit:

- Qanuq ikayurniaraluaqqigu nutarara havagianganik inmikkut havattiaqti'lugulu?
- Qanuq ikayurniaraluaqqigu nutaraa upalungiyarianigani angayukhiini iliharianigani?
- Uqautinnga uvuuna ilihautigingnit akhuuqtiqtaugiarnikkut qanurlu ikayurniaraluaqqigu nutarara hapumiyaanganik ayuqhautauvaktukkut, higaarlukkut, imirmikkut, nulliqinikkullu?
- Qanuarittut ilihautinik ilihautukhauva nutarara iniqtiriyaaminik iliharniminik?
- Havaaqaliriarnimut upalungiyautikhaqqaqqa nutarama ilihimayakhainik? Qanuq ilauttaaqinga?
- Ilihautikhanik pihimavihi nutarama ilihautukhainik iliharvigyualiariamini, ayuiqharyuumigianganik?
- Nutarara iliharyuarviliarumagumi, qanuq iliharvik ikayuqtaaqqaqqa uuktutinik titirarianigani? Qanuq iliharvik ikayuqtaaqqaqjaduk nutarara maniqautiqaqharviitugut?